



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XLIX. Gregorii Papae I. Ad Petrvm Et Prvdentivm Istriae Episcopos.
Scirbit de fide eis satisfacturum se, promittitque Romam venientibus
nullam molestiam illaturum.

urn:nbn:de:hbz:466:1-15221

GREGORII PAPÆ I.

AD PETRVM ET PRVDENTIVM ISTRIÆ EPISCOPOS.

Scribit de fide eis satisfacturum se, promittitque Romam
venientibus nullam molestiam illaturum.*Gregorius Petro & Prudentio episcopis de Istria.*

DEVS qui lætatur in vnitatem fidelium, & reuelat quæren-
tibus veritatem, cordibus vestris, dilectissimi fratres, Ioan. diac.
lib. 4. cap.
27. aperiat, quanto vos desiderio in gremio cupiam sanctæ vni-
uersalis ecclesiæ contineri, & in eius manere vnitatem con-
cordes. Quod fore non dubito, si abiecto contentionis sti-
mulo, satisfieri vobis veraciter de his de quibus est dubie-
tas intendatis. Remeantis autem Castorii notarii mei rela-
tione edoctus sum, fraternitatem vestram ad me habere desi-
derium veniendi, si promissum fuerit quia nullam mole-
stiam sustinebit. Hoc ego cognoscens & opto, & succensus
ardore caritatis inuito, vt ad me veniendi debeatis labo-
rem assumere, quatenus pariter conferentes, quæ vera, &
Redemptori nostro sunt placita, & cõmuniter loquamur,
& modis omnibus teneamus. Ego vero diuinæ protectionis
gratia suffragante, satisfacere vobis de quibus dubitatis pa-
ratus sum, & confido de omnipotentis Dei misericordia,
quod ita vobis satisfactio mea interius inhærebit, vt nihil ca-
ritatis vestræ de cetero possit ambiguum remanere. Nam il-
la quæ sanctissimæ quatuor Synodi sapuerunt atque definie-
runt, sicuti prædecessor noster sanctissimus Leo papa, ita ea
& nos sapimus, sequimur, ac tenemus, nec ab earum fide
aliquo modo dissentimus. Sed quia plus persona præsens
quam epistola satisfacit, hortor, dilectissimi fratres, vt ad
me venire, sicut præfatus sum, debeatis, dummodo ratione
percepta a concordia sanctæ vniuersalis ecclesiæ dissensio
vos nulla dissociet. Hoc tamen certa sit vestra caritas, quia
vos & cum affectu quo decet suscipiam, & cum gratia re-
laxabo. Nec aliquam vos, vel quoscumque alios qui pro
hac ad me causa venire voluerint, afflictionem vel mole-
stiam sustinere promitto. Sed seu ad consentiendum
mihi cor vestrum misericordia diuina compunxerit, siue,
quod absit, in ea vos durare dissensione contigerit, ad pro-
pria vos remeare quando volueritis, iuxta promissionem

meam sine læsione vel molestia relaxare curabimus.

Mense Augusto, indictione decimatertia.

EPISTOLA L.

GREGORII PAPÆ I.

AD VIRGILIVM EPISCOPVM ARELATENSEM.

Vices illi suas in regno Childeberti concedit. Monet vt simoniacam labem prohibeat, & ne ex laicis repente fiant episcopi. De pallii vsu, & quatenus vices apostolicas obire debeat.

Gregorius Virgilio episcopo Arelatensi.

QUAM bona est caritas, quæ absentia per imaginem præsentia sibimetipsis exhibet per amorem, diuisa vnit, confusa ordinat, inæqualia sociat, imperfecta consummat. Quam recte prædicator egregius vinculum perfectionis vocat: quia virtutes quidem ceteræ perfectionem generant, sed tamen eas caritas etiam ligat, vt ab amantis mente dissolui iam nequeant. Hac itaque virtute, frater carissime, plenum te esse reperio, sicut mihi de te, & hi qui ex Gallicanis partibus veniunt, & epistolæ tuæ ad me directæ verba testantur. Quod vero in eis, iuxta antiquum morem, vsu pallii ac vices sedis apostolicæ postulasti, ab sit ne aut transitoria potestatis culmen, aut exterioris cultus ornamentum, in vicibus nostris ac pallio quæsisse te suspicer. Sed quia cunctis liquet, vnde in Galliarum regionibus fides sancta prodierit, cum priscam consuetudinem sedis apostolicæ fraternitas vestra repetit, quid aliud quam bona soboles ad sinum matris ecclesiæ recurrit? Libenti ergo animo postulata concedimus, ne aut vobis quidquam de debito honore subtrahere, aut præcellentissimi filii nostri Childeberti regis petitionem contempnissse videamur. Sed iam nunc studio maiori res indiget, vt cum honor crescit, etiam sollicitudo proficiat, & erga ceterorum custodiam vigilantia excreseat, vitæ quoque merita subiectis in exemplum veniant, & nunquam sua per suscepti honoris gratiam, sed lucra cælestis patriæ vestra fraternitas exquirat. Nostis enim quid beatus Apostolus gemens dicat: *Omnes enim quæ sua sunt quærunt, non quæ sunt Christi Iesu.* Quibusdam namque narrantibus agnoui, quod in Galliarum vel Germaniæ partibus nullus ad sa-

Philip. 2.

*Grat. 1. q.
1. c. Qui-
busdam.*